



列傳第八十七

魏書九十九

私署涼州牧張寔

鮮卑乞伏國仁

鮮卑秃髮烏孤

私署涼王李曷

盧水胡沮渠蒙遜

張寔字安遜安定烏氏人父軌字士彥散騎常侍以晉室多難陰圖保據河西求為涼州乃除持節護羌校尉涼州刺史桓帝西略也軌遣使貢其方物晉加號安西將軍封安樂鄉侯邑二千戶永嘉五年晉以軌為鎮西將軍都督隴右

諸軍事封霸城侯尋進車騎大將軍開府儀  
同三司愍帝即位進拜司空封西平公邑三千  
戶後拜侍中太尉涼州牧軌年老多疾拜寔撫  
軍大將軍副涼州刺史不幾軌風病積年子代  
行州事閉絕音問莫能知者軌頗識天文母州  
內有賊輿疾仰觀曰無能為害終如其言寔代  
統任愍帝拜為使持節都督涼州諸軍事西中  
郎兼涼州刺史領護羌校尉西平公劉曜陷長  
安寔自稱侍中司空大都督涼州牧承制行事

于時天下喪亂秦雍之民死者十八九唯涼州  
獨全寔自恃無疆轉為驕恣平文皇帝四年寔  
為左右閻沙等所殺先是謠曰蛇利砲蛇利砲  
公頭墜地而不覺寔所住室梁間有人象而無  
頭父之乃滅寔惡之未幾見殺寔弟茂統任  
茂字成遜私署使持節都督涼州諸軍事平西  
將軍護羌校尉涼州牧西平公誅閻沙等百餘  
人遣使朝貢茂妻弟賈模兄弟謀害茂茂殺  
之劉曜上隴茂懼而降曜以為太師涼王茂卒

無子寔子駿統任

駿字公庭自稱使持節大將軍護羗校尉涼州牧西平公遣使朝貢煬帝時隴西人辛晏以抱罕降之駿遂有河南之地至於狄道與石勒分境駿築南城起謙光殿於其中窮珍極巧又四面各起一殿東曰宜陽青殿南曰朱陽赤殿西曰正德白殿北曰玄武黑殿服章器物皆依色隨四時居之其旁有直省寺署一依方色其奢僭如此民以勞怨駿議治石田參軍索孚諫曰

凡爲治者動不逆天機作不破地德昔后稷之播百穀不墾般石禹浚江河不迎流勢今欲徙石爲田運土殖穀計所損用畝盈百石所收不過三石而已竊所未安駿怒出孚爲伊吾都尉有石墮於破胡燠而碎聲如擊鼓聞七百里其颯氣上黑如煙煙首如赤颯駿少而淫佚常夜出微行姦亂邑里少年皆化之性又貪恠有圖秦隴意以穀帛付民歲收倍利利不充者簿賣田宅分武威武興西平張掖酒泉建康西海西

郡遼河晉興廣武十一郡為涼州以長子重華  
為刺史金興晉城武始南安永晉人夏武城漢  
中八郡為河州以其寧戎校尉張瓊為刺史敷  
煌晉昌高昌西域都護戊巳校尉玉門人護軍  
三郡三營為沙州以西胡校尉楊宣為刺史駸  
私署大都督大將軍假涼王督壘三州始置諸  
祭酒郎中大夫舍人謁者之官官號皆擬天朝  
而微辨其名舞六佾建豹尾車服旌旗一如王  
者軌保涼州陰澹之力駿以隄氏門宗彊盛忌

之乃逼澹弟鑿令自殺由是大夫人情駿既病  
見鑿為祟遂死時建國九年也子重華統任  
重華字太林私署使持節大都督太尉公護羌  
校尉涼州牧平西公假涼王石虎遣麻秋率眾  
渡河城於長最涼州震動司馬張耽薦主簿謝  
艾於重華重華任之艾擊斬秋將其母安等  
俘斬夕五千人重華遣使朝貢自署丞相涼王  
領秦雍涼三州牧重華死子曜靈統任  
曜靈年十歲自稱大司馬涼州牧以重華兄祚

為撫軍將軍輔政祚先蒸重華母馬氏密說馬氏以曜靈幼弱須立長君馬從之遂廢曜靈而立祚曜靈尋為祚所殺

祚字太白既統任自稱大將軍涼州牧涼公專為姦虐駿及重華子女未嫁者皆姪之涼州人士咸賦牆茨初重華末年有螽斯蟲集安昌門外緣壁逆行都尉常據諫曰螽斯是祚小字今乃逆行災之大者願出之重華曰子孫繁昌之徵何為災也吾昨夢祚攝位方委以周公之事

輔翼世子而祚終殺曜靈

涼王立宗廟

置官號和平元年遣使朝貢

加軌以王

號濫殺謝艾於酒泉郎中丁琪

借竊祚斬

琪於闕下廢諸神祀山川枯竭

直五都尉司人

蓋過林四品以下不得衣繒帛庶人不得畜奴

婢乘車馬百姓怨憤有光狀如雷

蓋聲如雷

震動城邑仲夏降霜有神降自佛立冥與人

交語祚日夜祈之神言與其福利祚信焉眾知

祚必敗而祚暴虐彌甚明年祚河州刺史張瓘

鬼言

起兵討祚驍騎將軍宋混率衆應瓘混進攻  
姑臧祚遣侍中索孚伐瓘有王羆者二師出必  
敗并陳祚三不道祚以妖言惑衆斬之羆臨刑  
曰我死之後軍敗於外王死於內祚族之宋混至  
姑臧領軍趙長等開宮門應之入殿稱萬歲祚  
以長等破混也出勞之長以藥刺祚中額祚奔  
入爲厨士徐黑所殺暴尸道左城內咸稱萬歲  
瓘等立重華少子玄靖統任

玄靖字元安自署使持節大都督大將軍涼王

以瓘爲尚書令涼州牧兼政事瓘爲尚書僕射  
瓘性猜惡賞罰皆以愛憎無復綱紀郎中殷郁  
陳楨益諫瓘瓘曰虎生三日能合齒不須人教  
由是莫有言者瓘與玄靖參乘出城城北大橋  
三梁俱折瓘惡之乃日日散錢泉樹私惠而都  
街殺人朝朝不絕思爲亂者十室而九東苑大  
冢上忽有池水城東大澤地忽火然廣數里乃  
殺宿嫌牛旋等以應水火之變瓘謀誅諸宋廢  
玄靖自立先是太白守輿鬼占者以爲州分當

有暴兵故瑾欲獻之於是宋混率衆誅瑾瑾先  
殺妻子三十口乃自殺玄靖以混爲驃騎大將  
軍尚書令混病死弟玄安代輔世以旱祈帶石  
山玄安欲登之弟名犯世宗諱曰世人三登此山  
者破家身亡玄安曰安有此也策馬登之馬倒  
傷足御史房屋柱自燃燹折或一柱之爲字也  
在木右主宋字合木木燹宋破  
世且防之又所乘馬五匹一從山  
尾之爲字也尸下毛毛去尸絕  
敬玄安曰

吉凶在天知如何未幾玄安司馬張邕起兵  
殺玄安盡誅宋氏先是謠曰滅宋者田土丁邕  
一名野邕刑殺過差內外復思爲亂駿小子天  
錫因民心起兵殺邕以冠軍大將軍輔政玄靖  
庶母郭氏以天錫擅權與張氏疎宗謀誅之事  
發天錫殺玄靖而自立

天錫字純嘏一名公純私署使持節大都督大  
將宣護羌校尉涼州牧涼王有火歛於泥中天  
錫騎恣姪昏不恤民務元日與嬖人執袞飲既

闕字 羣臣朝賀又不省其母從事中郎張慮  
與視切諫且求大觀天錫不納昭成末符堅遣  
將苟萇伐涼州破之天錫降於萇初駿時謠曰  
劉新婦簸米石新婦炊殺羝蕩滌條簸張兒張  
兒食之口正披是時姑臧及諸郡國童兒皆歌  
之請劉曜石虎並伐涼州不克至堅而降之也  
天錫至長安堅拜爲尚書堅敗於壽春天錫  
奔建康

鮮卑乞伏國仁出於隴西其先如非自漠北南

出五代祖祐隣并兼諸部部衆漸盛父司繁擁  
部落降於苻堅以爲南單于文拜鎮西將軍鎮  
勇士川司繁死國仁代統在苻堅之伐司馬昌  
明以國仁爲副將軍領騎先鋒及堅之敗國仁  
叔步頽叛於隴右堅令國仁討之步頽大悅迎  
而推之招集部落衆十餘万太祖時私署大都  
督大將軍大單于秦州河州牧號年建義署置  
官屬分部內爲十一郡築木勇士城以都之國仁  
死

弟乾歸統軍自署大都督大將軍六軍于河南  
王改年爲太初置百官登國中遷於金城南門  
自壞乾歸惡之遷於苑川尋爲姚興所破奔  
抱罕遂降姚興拜爲河州刺史封歸義侯  
尋還苑川乾歸乃背姚興私稱秦王置百官  
年號更始遣使請援太宗許之後乾歸困於五  
谿梟集其子尋爲兄子公府所殺子熾殷殺  
公府代統位

熾殷自稱大將軍河南王改年爲永康後龍禿

髮僞檀於樂都滅之乃私署秦王置百官改年  
爲建洪後遣其尚書郎莫胡積射將軍乞伏又  
寅等貢黃金二百斤請伐赫連昌世祖許之及  
世祖平統萬熾磐乃遣其叔平遠將軍泥頭弟  
安遠將軍度質於京師又使其中書侍郎王愷  
丞相從事中郎烏訥闡奉表貢其方物熾磐死  
子暮末統任

暮末字安石跋旣立改年爲永洪其尚書隴西  
辛進曾隨熾磐遊於後園進彈鳥丸誤傷暮

末母面至是殺進五族二十七人暮末弟殊羅  
蒸熾磐左夫人秃髮氏暮末知而禁之殊羅懼  
與叔父什寅謀殺暮末秃髮氏盜門鑰於內鑰  
誤門者告暮末收其黨與盡殺之欲鞭什寅什  
寅曰我負汝死不負汝鞭暮末怒剗其腹投屍  
於河什寅母弟白養及去列頗有怨言又殺  
之政刑酷濫內外崩離部民多叛人思亂矣後  
為赫連定所逼遣王愷烏訥闐請迎於世祖世  
祖許以安定以西平涼以東封之暮末乃焚城

邑毀寶契盟率戶万五千至高田谷為赫連定所  
拒遂保南安世祖遣使迎之暮末衛將軍吉毗  
固諫以為不宜內徙暮末從之赫連定遣其北  
平公韋代率眾一万攻南安城內大饑人相食  
神慶加四年暮末及宗族五百餘人出降送於上  
邦

鮮卑秃髮烏孤八世祖匹孤自塞北遷于河西  
其地東至麥田牽屯西至濕羅南至澆河北接  
大漠匹孤死子壽闐統任初母孕壽闐因寢產

於被中乃名禿髮其俗爲被覆之義五世祖樹  
機能壯果多謀略晉泰始中殺秦州刺史胡烈  
於高斛堆敗涼州刺史蘇愉于金山咸寧中又  
斬涼州刺史楊欣於丹嶺盡有涼州之地後爲  
部民沒骨所殺從弟務丸統任務丸曾孫思復  
犍部衆稍盛即烏孤父也思復犍死烏孤統任  
皇始初呂光拜烏孤益州牧左賢王烏孤私署  
大都督大將軍大單于西平五年號太初天興  
初烏孤又稱武威王徙治樂都置軍騎將軍已

下分立郡縣烏孤因酒走馬馬倒傷脇笑曰幾  
爲呂光父子所喜旣而遂死  
弟涼州牧西平公利鹿孤統任徙治西平改年  
建和使使朝貢遣弟車騎將軍儁檀推呂纂  
篡篡士馬精銳軍人大懼儁檀下馬據胡牀以安  
衆情乃晉甲交戰破篡軍二千餘級利鹿孤私  
署百官自丞相以下利鹿孤死

儁檀統任私署涼王還居樂都年號洪昌遣使  
朝貢天賜中儁檀詐降姚興興以儁檀爲涼州

刺史遂據姑臧與沮渠蒙遜戰於均石為蒙遜  
所敗僂檀又為赫連屈丐所破於陽武以數千  
騎奔南山幾為追騎所得懼東西寇至乃徙  
三百里內民於姑臧姚興乘豐遣將姚弼等至  
於城下僂檀驅牛羊於野弼眾採掠僂檀因  
分數千大破之弼乃退還僂檀又自署涼王署百  
官改號嘉平永興中盡眾伐沮渠蒙遜為蒙  
遜所敗於窮泉單馬歸姑臧懼蒙遜所滅乃  
遷于樂都蒙遜以兵圍之築室反耕為持久

之計僂檀以子保周為質於蒙遜蒙遜乃還  
神瑞初僂檀率騎擊仇弗擒大有擒獲而乞  
伏熾般石乘虛龍樂郡仇之執僂檀子虎臺以下  
僂檀聞之曰若歸熾般石便為奴僕豈忍見妻子  
在他懷中也引眾而西眾皆離散僂檀曰蒙遜  
熾般石昔皆委質於吾今而歸之不亦鄙哉四海  
之廣無所容身何其痛乎既乃歎曰吾老矣寧  
見妻子而死遂降熾般石熾般石待以上賓之禮用  
為驃騎大將軍封左南公歲餘鳩殺之僂檀

子賀後來奔自有傳

李暠字玄盛小字長生隴西狄道人也漢前將軍廣之後曾祖孟晉相國從事中郎北地太守祖太張祚武衛將軍父昶早卒暠遺腹子也皇始中呂光建康太守段業自稱涼州牧以敦煌太守子孟敏為沙州刺史暠為效穀令敏死敦煌護軍郭謙等推暠尚為寧朔將軍敦煌太守業私稱涼王暠詐臣於業業以暠為鎮西將軍天興中暠私署大都督大將軍護羌校尉秦涼二

州牧涼公年號庚子居敦煌遣使朝貢天賜改年建初遷於酒泉歲脩職貢高死子歆統任歆字士業自稱大都督大將軍護羌校尉涼州牧涼公號年嘉興元年大破沮渠蒙遜於解支澗獲七千餘級遣使朝貢歆聞蒙遜南伐乞伏乃起兵攻張掖其益 在謂歆曰汝新造之國地狹民希蒙遜驍武汝非其敵吾觀其數年以來經謀規略有兼并之志且天時人事似欲歸之度德量力春秋之義先王遺令深慎兵戰

保境寧民俟時而動言猶在耳奈何忘之汝必  
行也非唯師敗國亦亡矣歆不從遂率步騎三  
萬東伐次于都瀆瀾蒙遜自浩疊拒歆戰于懷  
城爲蒙遜所敗左右勸歆還酒泉歆曰吾違天  
后明敕遠取敗辱不殺此胡復何面目見吾母  
也勒衆復戰敗于蓼泉爲蒙遜所殺蒙遜  
遂克酒泉歆之未敗有一大蛇從南門而入至  
歆恭德殿前有雙雉飛出宮內通街大樹上有  
烏鵲爭巢鵲爲烏所殺敦煌父老令狐熾夢  
白頭公恰衣而謂曰南風動吹長木胡桐椎不  
中轍言訖忽然不見歆小字桐椎至是而亡  
歆弟敦煌太守恂復自立于敦煌稱冠軍將軍  
涼州刺史蒙遜攻恂于敦煌三面起堤以水灌  
城恂請降不許城陷恂自殺蒙遜克敦煌恂兄  
讎子寶後入國自有傳

胡沮渠蒙遜本出臨松盧水其先爲匈奴左沮  
渠遂以官爲氏蒙遜滑稽有權變頗曉天文爲  
諸胡所歸呂光殺其伯父西平太守羅仇蒙遜

眾眾萬餘屯於金山與從兄晉昌太守男成共  
推建康太守段業為使持節大都督龍驤大將  
軍涼州牧建康公稱神璽元年業以蒙遜為張  
掖太守封臨池侯男成為輔國將軍委以軍國  
之任業自稱涼王以蒙遜為尚書左丞忌蒙遜  
威名微踈遠之天明四年蒙遜內不自安請為  
安西太守蒙遜欲漸以怒其眾乃密誣告男成叛  
逆業殺之蒙遜泣生眾陳欲復讎之意男成素  
有恩信眾情怨憤泣而從之蒙遜因舉兵攻殺  
業私署使持節大都督大將軍涼州牧張掖公  
號年永安居張掖永興中蒙遜克姑臧遷居之  
改號玄始元年自稱河西王置百官丞郎以下  
頻遣使朝貢蒙遜寢於新臺閹人王懷祖斫  
蒙遜傷足蒙遜妻子孟氏擒懷祖斬之蒙遜聞  
劉裕滅姚泓怒甚有校書郎言事於蒙遜蒙遜  
曰汝聞姚裕入關敢妍妍然也遂殺之其峻暴  
如此太常中蒙遜克李歆尋滅燉煌後改年承  
玄神麤中遣尚書郎宗舒左常侍高猛朝貢上

2 3 應為 P15

表曰伏惟陛下天縱睿聖德超百王陶育齊於  
二儀洪基隆於三代然鍾運多難九服紛擾神  
旗暫擁車書未同上靈降祐祚歸有道純風  
鼓殊方革面羣生幸甚率土齊欣臣誠弱才  
效無可錄幸遇重光思竭力命自欣投老得覩  
盛化異終於年憑倚皇極前後奉表貢使相望  
去者杳然叔無旋返未審津塗寇險竟不仰達  
為天朝高遠未蒙齒野屏營戰灼無地自指往  
年侍郎郭祗等還奉詔書三接之恩始隆萬

里之心有賴今極難之餘聞秦唯始誘勸既加  
引納彌篤老臣見存遐外無棄仰荷愷悌之仁  
俯蹈康哉之詠然商胡後至奉公卿書援引歷  
數安危之機厲以賁融知命之美顧惟情願實  
深悚惕何者臣不自揆遠託大蔭庶微誠上宣  
天鑒下降若萬國來庭百辟陞賀高蹈先至之  
端獨步知機之首但世難尚殷情願未遂章表  
頻脩滯懷不暢許身於國款誠莫表致惑群后  
以慮公卿辭旨紛紜抑引重沓不在同獎之例

未達拱辰之心延首一隅低回四極臣歷觀符  
瑞候察天時未有過於皇魏踰於陛下加以靈  
啓聖姿幼登天位美諫侷於成康道化踰於文  
景方將振神綱以掩六合灑玄澤以潤八荒況  
在秦隴荼炭之餘直是老臣盡效之會後蒙遜  
遣子安周內侍世祖遣兼太常李順持節拜蒙  
遜爲假節加侍中都督涼州西域羗戎諸軍事  
太傅行征西大將軍涼州牧涼王冊曰昔我皇  
祖曹自黃軒總御群才攝服戎夏豐曜重光

不殞其舊逮于太祖應

協運大業唯新奄有

區宇受命作魏降及太宗廣開宗基政和民阜  
朕承天緒思廓宇縣然時運或否雲霧紛四張赫  
連跋扈於關西大檀陸梁於漠北戎夷負阻江  
淮未賓是用自東徂西戎軒屢駕賴宗廟靈長  
將吉且力克前兇渠震服彊獫四方漸泰表裏  
無塵王生識機運經略深遠與朕協同厥功洪  
茂當今運鍾時季僭逆憑陵有土者莫不跨時  
一隅有民者莫不榮其私號不遵衆星拱極之

不慕細流歸海之義而王深悟大體率由典  
任土貢珍愛子入侍勲義著焉道業存焉惟  
王乃祖乃父有土有民論功德則無二於當時  
言氏族則始因於世爵古先帝王褒貶具賞德莫  
不昨土分民建為藩輔是以周成命周公以表  
東海襄王錫晉文大啓南陽是用制六州之武  
虜弭掖敦煌酒泉西海金城西平七君封王為  
涼王受茲素土苴以白茅用建家社為魏室藩  
輔盛衰存亡與魏升降夫功高則爵尊德厚則

任重又加命王入禁貝百揆謀謨幃幄出征不懷  
登攝侯伯其以太傅行征西大將軍仗鉞秉旄  
鷹揚河右遠徂王略懷柔荒隅北盡于窮髮南  
極於庸岷西被于崑嶺東至于河曲王實征之  
以夾輔皇室又命王建國置有將相羣卿百官承  
制假授除文官刺史以還武官撫軍以下建天  
子旌旗出入警蹕如漢初諸侯王故事欽哉惟  
時往踐乃職祗服朕命協亮天子俾九德感事  
無忝庶官用終爾顯德對揚我王祖之休烈崔

之辭也蒙遜又改稱義和元年延和二年四月蒙遜死遣使監護喪事諡曰武宣王蒙遜性姪忘忍於刑戮閨庭之中略無風禮

第三子牧犍統任自稱河西王遣使請朝命先是世祖遣李順迎蒙遜女為夫人會蒙遜死牧犍受蒙遜遺意送妹於京師拜右昭儀改稱承和元年世祖又遣李順拜牧犍使持節侍中都督涼沙河三州西域羌戎諸軍事車騎將軍開府儀同三司領護西戎校尉涼州刺史河西王

號優

詔不許牧犍

世祖妹武威公主遣其相宋繇

表謝獻馬

匹黃金五百斤繇又表請公主

及牧犍母妃

號朝議謂禮母以之貴妻從

夫爵牧犍母宜稱河西國太后公主於其國內可稱王后於京師則稱公主詔從之牧犍遣其將軍沮渠旁周朝京師世祖遣侍中古弼尚書李順賜其侍臣衣服有差并徵世子封壇入侍牧犍乃遣封壇朝於京師太延五年世祖遣尚

書賀多羅使涼州且觀虛實以故捷雖稱蕃致  
責而內多乖悖於是親征之詔公卿為書讓之  
曰王外從正朔內不捨僭罪一也民籍地圖不  
登公府任土作貢不入司農罪二也既荷王爵  
又授偽官取兩端之榮數不二寵罪三也

朝廷志在懷遠固違聖略切稅商胡以斷行旅  
罪四也揚言西戎高自驕大罪五也坐自封殖  
不欲入朝罪六也北託叛虜南引仇池憑援谷  
軍提挈為姦罪七也承勅過限輒假征鎮罪八

也欣敵

九也既以相帝室罷踰功舊方恣蒸嬖其嫂

罪十也一既違仇儷之體不篤婚之義公行醜

毒規害公主罪十一也備防候守關要有

如寇讎四非十二也為臣如是其可恕乎先令後

誅王者之典也若親率羣臣委執負郊迎謁拜馬

首上策也上軍既臨面縛輿轎又其次也如其

守迷窮城不時悛悟身死族滅為世大戮宜思

際中自求多福也官軍濟河牧豕豕故爾也

用其左丞姚定國計不肯出迎求救於蠕蠕又遣弟董來率兵方餘人拒官軍於城南戰退車駕至姑臧遣使喻牧犍令出牧犍聞蠕蠕內侵於善無辛十車駕返旆遂盟城自守牧犍凡子祖踰城出降只知其情世祖乃引諸軍進攻牧犍兄子万年率麾下又來降城拔牧犍與左右文武面縛請罪詔釋其縛徙涼州民三萬餘家于京師初太延中有一父老投書於敦煌城東門忽然不見其書一紙八字文曰涼王三十年若

又於震雷之所得石丹書曰河西河西三十年破帶石樂七年帶石山名在姑臧南山祀傍泥陷不通牧犍征南大將軍董來曰祀豈有疑乎遂毀祀伐木通道而行牧犍立果七年而滅如其言牧犍姪嫂李氏兄弟三人傳嬖之李與牧犍姊共毒公主上遣解毒醫棄傳救公主得愈上徵李氏牧犍不遣厚送居於酒泉上大怒既克猶以妹壻待之其母死以王太妃禮葬焉又為蒙遜置守墓三十家改授牧犍征西大

將軍主如故初官軍未入之間牧犍使人所開

府庫取金銀珠玉及珍器物不更封閉小民

因之入盜巨細蕩盡者求賊不得真君年

其所親人及守藏者告下乃窮竟其事搜其

家中悉得所藏器物又牧犍父子多畜毒藥

前後隱竊殺人乃有百輩姊妹皆為左道朋行

婢僕皆無愧顏始刑賓沙門曰曇無讖東入鄯

善自云能使鬼治病今婦人多子與鄯善土妹

曼頭陀林私通發覺上奔涼州蒙遜寵之號曰

聖人曇無讖以男女交接之術教授婦人蒙遜

諸女子婦皆往受法世祖聞諸行人言曇無讖

之術乃召曇無讖蒙遜不遣遂發露其事拷訊

殺之至此帝知之於是賜昭儀沮渠氏死誅其

宗族唯万年及祖以前先降得免是年人又告

牧犍猶與故臣民交通謀反詔司徒崔浩就公

主第賜牧犍死牧犍與主訣良久乃自裁葬以

王禮諡曰哀王及公主薨詔與牧犍合葬於公主

無勇有女以國甥親寵得寵母爵為武威公主

蒙遜子秉宗季義世祖以其父故拜東雍州刺史險說多端真君中遂與河東蜀薩安郡謀逆至京師付其兄弟扼而殺之

万年祖並以先降万年拜安西將軍張掖王祖為廣武公萬年後為異定二州刺史復坐謀逆與祖俱死初牧犍之敗也弟樂都太守安周南奔吐谷渾世祖遣鎮南將軍奚眷討之牧犍弟酒泉太守無諱奔晉昌乃使弋陽公元絜守酒泉真君初無諱圍酒泉絜擊之賊城

與語為無諱所執絜亦所部相率固守無諱仍圍之糧盡絜無諱所陷無諱又圍張掖不能克退保臨松一遂還世祖下詔喻之時永昌王健鎮涼州無諱使其其中尉梁偉詣健求奉酒泉又送絜乃統帥兵士于健軍二年春世祖遣兼鴻臚持節策拜無諱為征西大將軍涼州牧酒泉王尋以無諱復規叛逆復遣鎮南將軍南陽公奚眷討酒泉克之無諱遂謀渡流沙遣安周西擊鄯善鄯善王恐懼欲降會

魏使者勸令拒守安周遂與連戰不能克退保  
東城三年春鄯善王比龍西奔且末其世子乃  
從安周鄯善大亂無諱遂渡流沙士卒渴死者  
大半仍據鄯善先是高昌太守闕爽為李寶舅  
唐契所攻聞無諱呼至鄯善遣使詐降欲令無諱  
與唐契相擊無諱留安周住鄯善從焉東北  
趣高昌會蠕蠕奴唐契爽拒無諱無諱將衛與  
奴詐誘爽遂屠其城爽奔蠕蠕無諱因留高昌  
五年夏無諱病死安周代立後為蠕蠕國所并

史臣曰周德之衰七雄競時咸分剖神州睥睨  
尊極至是張寔等介在入外地實我墟大爭鴟  
張潛懷不遜其不知量固為甚矣大蛇虺相噬終  
為擒滅宜哉

列傳第八十七

魏書 卷十九

列傳第八十八

魏書一百

高句麗

百濟

勿吉

失韋

豆莫婁

地豆于

庫莫奚

契丹

烏洛侯

高句麗者出於夫餘自言先祖朱蒙朱蒙母河伯女為夫餘王閉於室中為日所照引身避之日影又逐既而有孕生一卵大如五升之餘王棄之

與犬犬不食棄之與豕豕又不食棄之於路牛馬避之後棄之野衆鳥以毛茹之夫餘王割割之不能破遂還其母其母以物裹之置於暖處有一男破殼而出及其長也字之曰朱蒙其俗言朱蒙者善射也夫餘人以朱蒙非人所生將有異志請除之王不聽命之養馬朱蒙每私試知有善惡駿者減食令瘦駑者善養令肥夫餘王以肥者自乘以瘦者給朱蒙後狩于田以朱蒙善射限之一矢朱蒙多雖矢少殪獸甚多夫餘之

臣又謀殺之朱蒙母陰知告朱蒙曰國將害汝以汝才略宜遠適四方朱蒙乃與烏引烏達等二人棄夫餘東南走中道遇一大水欲濟無梁夫餘人追之甚急朱蒙告水曰我是日子河伯外孫今日逃走追兵垂及如何得濟於是魚鼈並浮爲之成橋朱蒙得渡魚鼈乃解追騎不得渡朱蒙遂至普迷水遇見二人其一著麻衣一人著納衣一人著水藻衣與朱蒙至紇升骨城遂居焉號曰高句麗因以爲氏焉初朱蒙在

夫餘時妻懷孕朱蒙逃後生子字始聞諱及長知朱蒙為國主即與母亡而歸之名之曰間達委之國事朱蒙死間達代立間達死子如栗代立如栗死子昔莫來代立乃征夫餘夫餘大敗遂統屬焉昔莫來子孫相傳至裔孫宮生而開目能視國人惡之及長凶虐巨國以殘破宮曾孫位宮亦生而視人以其似曾祖宮故名為位宮高句麗呼相似為位位宮亦有勇力便弓馬魏正始中入寇遼西安平為幽州刺史母丘儉所破

其玄孫乙弗利利子釗烈帝時與慕容氏相攻擊建國四年慕容元真率衆伐之入自南陝戰於木底人破釗軍乘勝長驅遂入九都釗單馬奔竄元真掘釗父墓載其屍并掠其母妻珍寶男女五萬餘口焚其宮室毀九都城而還自後釗遣使來朝阻隔寇讎不能自達釗後為百濟所殺世祖時釗曾孫璉始遣使者安東奉表貢方物并請國諱世祖嘉其誠款詔下帝系名諱於其國遣負外散騎侍郎李敖拜璉為都督遼

海諸軍事征東將軍領護東夷中郎將遼東郡  
開國公高句麗王敖至其所居平壤城訪其方  
事云遼東南一千餘里東至柵城南至小海北  
至舊夫餘民戶參倍於前魏時其地東西二千  
里南北一千餘里民皆土著隨山谷而居衣布  
帛及皮土田薄墾蠶農不足以自供故其人節  
飲食其俗媻好歌舞夜則男女群聚而戲無貴  
賤之節然潔淨自喜其王好治宮室其官名有  
謁奢太奢太兄小兄之號頭著折風其形如弁

旁挿鳥羽貴賤有差立則反拱跪拜曳一脚行  
步如走常以十月祭天國中大會其公會衣服  
皆錦繡金銀以為飾好躡蹠食用俎凡出三尺  
馬云本朱蒙所乘馬種即果下也後貢使相尋  
歲致黃金二百斤白銀四百斤時馮文通率衆  
奔之世祖遣散騎常侍封撥詔璉令送文通璉  
上書稱當與文通俱奉王化竟不送世祖怒欲  
往討之樂平王不等議待後舉世祖乃止而文  
通亦尋為璉所殺後文明太后以顯祖六宮未

備勅璉令薦其女璉奉表云女已出嫁求以弟  
女應旨朝廷許焉乃遣安樂王真尚書李敷等  
至境送幣璉惑其左右之說云朝廷昔與馮氏  
婚姻未幾而滅其國殷鑒不遠宜以方便辭之  
璉遂上書妄稱女死朝廷疑其矯詐又遣假散  
騎常侍程駿切責之若女審死者聽更選宗淑  
璉云若天子怒其前愆謹當奉詔會顯祖崩乃  
正至高祖時璉貢獻倍前其報賜亦稍加焉時  
光州於海中得璉所遣詣蕭道成使餘

關三字

關高祖詔責璉曰道成親殺其君竊號江左朕  
方欲興滅國於舊邦繼絕世於劉氏而卿越境  
外交遠通篡賊豈是藩臣守節之義今不以一  
過掩卿舊款即送還藩其感怒思愆祇承明憲  
輯寧所部動靜以聞太和十五年璉死年百餘  
歲高祖舉哀於東郊遣謁者僕射李安上策來贈  
車騎大將軍太傅遼東郡開國公高句麗王諡  
曰康又遣大鴻臚拜璉孫雲使持節都督遼海  
諸軍事征東將軍領護東夷中郎將遼東郡開

國公高句麗王賜衣冠服物車旗之飾又詔雲  
遣世子入朝令及郊立之禮雲上書辭疾世遣  
其從叔升于隨使詣闕嚴責之自此歲常三獻  
正始中世祖於東堂引見其使芮悉弗悉弗進  
曰高麗係誠天極累葉純誠地產土毛無愆王  
貢但黃金出自夫餘珂則涉羅所產今夫餘為  
勿吉所逐涉羅為百濟所并國王臣雲惟繼絕  
之義悉遷于境內二品所以不登王府實謂其  
是為世宗曰高麗世荷上將專制海外九夷黠

虜實得之瓶聲鼎出誰之谷也其方責之愆

責在連率卿官朕旨於卿主務盡威懷之略  
揃拔害羣輕寧東裔使二邑還復舊墟土毛無  
失常貢也神龜中雲死靈太后為舉哀於東堂  
遣使策贈車騎大將軍領護東夷校尉遼東郡  
開國公高句麗王又拜其世子安為安東將軍  
領護東夷校尉遼東郡開國公高句麗王正光  
初光州又於海中執得蕭衍所授安寧東將軍  
衣冠劍佩及使人江法盛等送於京師安死子

延立出帝初詔加延使持節散騎常侍車騎大將軍領護東夷校尉遼東郡開國公高句麗王賜衣冠服物車旗之飾天平中詔加延侍中驃騎大將軍餘悉如故延死子成立訖於武定末其旨使無歲不至

百濟國其先出自夫餘其國北去高句麗千餘里處小海之南其民土著地多下濕率皆山居有五穀其衣服飲食與高句麗同延興二年其王餘慶始遣使上表曰臣建國東極豺狼隔路

雖世承靈化莫由奉藩瞻雲關馳情罔極涼風微應伏惟皇帝陛下協和天休不勝係仰之情謹遣私署冠軍將軍駙馬都尉弗斯侯長史餘禮龍驤將軍帶方太守司馬張茂等投舫波阻搜徑玄津託命自然之運遣進萬一之誠冀神祇垂感皇靈洪覆克達天庭宣暢臣志雖旦聞夕沒永無餘恨又云臣與高句麗源出夫餘先世之時爲崇舊款其祖創輕廢隣好親率士衆陵踐臣境臣祖須整旅備邁應機馳擊矢石

暫交梟斬劍首自介已來吳敢南顧自馮氏數  
終餘燼奔竄醜類漸成遂見陵逼構怨連禍三  
十餘載財殫力竭轉自屢蹙若天慈曲矜遠及  
無外速遣一將來救臣國當奉送鄙女執婦後  
宮并遣子弟牧圉外廐及壤匹夫不敢自有又  
云今璉有罪國自魚肉大臣彊族戮殺無已罪  
盈惡積民庶崩離是滅亡之期假手之秋也且  
馮族士馬有鳥畜之絲樂浪諸郡懷首丘之心  
天威一舉有征無戰臣雖不敏志效異力當率

所統承風鄉音應且高麗不率起逆詐非外慕隗囂  
藩軍之辭內懷兇禍不突之行或南通劉氏或  
北約蠕蠕共相唇齒謀陵王略昔唐堯至聖致  
罰丹水孟常稱仁不捨塗言涓流之水宜早壅  
塞今若不取將貽後悔去歲辰年後臣西界小  
石山北國海中見屍十餘并得衣器鞍勒視之  
非高麗之物後聞乃是王人來降臣國長蛇隔  
路以沈于海雖未委妾愚懷憤恚昔宋戮申舟  
楚莊徒跣鷄撮放鳩信陵不食克敵建名美隆

無已夫以區區偏鄙猶慕方代之信況陛下合  
氣天地勢傾山海豈令小臣踰塞天達今上所  
得鞍一以爲實驗顯祖以其僻遠冒險朝獻禮  
遇優厚遣使者邵安與其僕俱還詔曰得表聞  
之無恙甚善卿在東隅處五服之外不遠山海  
歸誠魏闕欣喜至意用戢十懷朕承方世之業  
君臨四海統御羣生今以內清一八表歸義襁  
負而至者不可稱數風俗之和平士馬之盛皆餘  
禮等親所聞見卿與高麗不穆屢致陵犯苟能  
順義守之以仁亦何憂於寇讎也前所遣使浮  
海以撫荒外之國固從來積年往而不返存亡達  
否未能審悉卿所送鞍比較舊乘非中國之物  
不可以疑似之事以生必然之過經略權要已  
具別旨又詔曰知高麗出疆侵軼卿士修先君  
之舊怨棄息民之大德丘父累載難結荒邊使  
兼申脊之誠國有楚越之急乃應展義扶微乘  
機電舉但以高麗稱藩望朝供職日久於彼雖  
有自昔之豐於國未有犯令之愆卿使命始通

便求致伐尋討事會瑞宗采周故往年遣禮等  
至平壤欲驗其由狀然尚麗奏請頻煩辭理俱  
詣行人不能抑其請司法無以成其責故聽其  
所啓詔禮等遠若今復遣首則過咎益露後雖  
自陳無所逃罪然後興師討之於義為得九夷  
之國世居海外道暢則秦藩惠戢則保境故羈  
縻著於前典楷貢曠於咸時卿備陳疆弱之形  
具列往代之迹俗殊事由茲貺乖衷洪規大略  
其致猶在今中夏平一字而無虞每欲陵威東

極懸旌域表拯荒黎於偏寄皇風於遠服良  
由高麗即叙未及上征今不從詔旨則卿之  
來謀載協朕意元戎啟行將不云遠便可豫率  
同與具以待事時遣超孫反速究彼情師舉之日  
卿為鄉導之首大捷之後又受元功之賞不亦  
善乎所獻錦布海物雖不悉悉達明卿至心今賜  
雜物如別又詔璉護送安等安等至高句麗璉  
稱昔與餘慶有讎不令東過安等於是皆還乃  
下詔切責之五年使安等從東萊浮海賜餘慶

鹽書褒其誠節安等至海濱遇風飄蕩竟不  
達而還

勿吉國在高句麗北舊肅慎國也邑落各自有  
長不相撓一其人勁悍於東夷最疆言語獨異  
常輕豆莫婁等國諸國少患之去洛五千里自  
和龍北二百餘里有善至山山北行十三日至  
祁黎山又北行七日至如洛環水水廣里餘又  
北行十五日至太魯水又東北行十八日到其  
國國有大水闊二里餘名速末水其地下濕築

城穴居屋形似塚開口於上以梯出入其國無  
牛有車馬佃則偶耕單則步推有粟及麥稌菜  
則有葵水氣鹹凝鹽生樹上亦有鹽池多猪無  
羊嚼米醞酒飲能至醉婦人則布裙男子猪犬  
皮裘初婚之夕男就女家執女乳而罷便以為  
定仍為夫婦俗以人溺洗手面頭挿虎豹尾善  
射獵弓長三尺箭長尺二寸以石為鏃其父母  
春夏死立埋之冢上穴屋不令雨濕若秋冬以  
其屍捕貂貂食其肉多得之常七八月造毒藥

傳箭鏃射禽獸中者便死者藥毒氣亦能殺人  
國南有徒太山魏言人白有虎豹羆狼害人  
不得山上洩汗行逕山者皆以物盛去延興中  
遣使乙力支朝獻太和初又貢馬五百匹乙力  
支稱初發其國乘船沂難河西上至太涂河沈  
船於水南出陸行渡洛孤水從契丹西界達和  
龍自云其國先破高句麗十落密共百濟謀從  
水道开力取高句麗追乙力支奉使大國請其  
可不詔勅三國同是藩附宜共和順勿相侵擾

乙力支乃還從其來道取得本船汎達其國九  
年復遣使侯尼支朝獻明年復入貢其傍有大  
莫盧國覆鍾國莫多回國庫婁國素和國具弗  
伏國匹黎尔國拔太何國郁羽陵國庫伏真國  
魯婁國羽真侯國諸國後各遣使朝獻太和十二  
年勿吉復遣使貢雜矢方物於京師十七年又  
遣使人婆非等五百餘人朝獻景明四年復遣  
使侯力歸等朝貢自此迄于正光貢使相尋尔  
後中國紛擾頗或不至興和二年六月遣使石

久云等貢方物至於武定不絕

失韋國在勿吉北千里去洛六千里路出和龍北千餘里入契丹國又北行十日至啜水又北行三日有蓋水又北行三日有犢了山其山高六周回三百餘里又北行三日有大水名屈利又北行三日至刃水又北行五日到其國有大水從北而來廣四百里餘名捺水國土下濕語與庫莫奚契丹豆莫婁國同頗有粟麥及穉唯食猪魚養牛馬俗又無羊夏則城居冬逐水草亦

多貂皮

女婦束髮

作叉手

結其國少竊盜盜一徵三殺人者責馬

三百匹

力女悉衣白鹿皮襦袴有麴釀酒俗愛

赤珠

婦人飾穿挂於額以多為貴女不得此

乃至不嫁父母死男女由哭三年屍則置於林樹之上武定二年四月始遣使張焉豆伐等獻其方物迄武定末貢使相尋

豆莫婁國在勿吉國北千里去洛六千里舊北扶餘也在失韋之東東至於海方二千里其人

土著有宮室倉庫多山陵廣漠於東夷之域最  
為平敞地宜五穀不生五果其人長大性彊勇  
謹厚不寇抄其君長皆以六畜名官邑落有豪  
帥飲食亦用俎且有麻布衣制類高麗而幅大  
其國大人以金銀飾之用刑嚴急殺人者死沒  
其家人為奴婢俗姪尤惡妬婦妬者殺之尸其  
國南山上至腐女家欲得輸牛馬乃與之或言  
本穢貊之地也

地臣丁國在失韋西千餘里多生羊出名馬皮

為衣服無五穀惟食肉酪延興二年八月遣使  
朝貢至十太和六年貢馬不絕十四年頻來紀  
塞高祖詔征西大將軍祖暕平王頤擊走之自後  
時朝京師迄武定末貢馬不絕

庫莫奚國之先東部字之別種也初為慕容  
元真所破遺落者胤匿松漠之間其民不劫殺淨  
而善射獵好為寇鈔登國二年太祖親自出討  
至弱洛水南大破之獲其四部落馬牛羊豕十  
餘方帝曰此羣狄諸種之識德義互相侵盜有

紀王略故往往之且鼠竊狗盜何足為患今中  
州大亂五呂先平之然後張其威懷則無所不服  
矣既而車駕南還雲中臨服燕趙十數年間諸  
種與庫莫奚亦皆滋感乃開遼海置戍和龍諸  
夷震懼各獻方物高宗繼祖世庫莫奚歲致名  
馬文皮高祖初遣使朝言太和四年輒入塞內  
辭以畏地豆于鈔掠詔書切責之二十二年入  
寇安州營燕幽三州兵千人擊走之後復款  
附每求入塞與草奚去太

和二十一年以前與中營三州邊民參居  
往來並無疑貳至二十二年叛逆以來遂遠爾  
今雖款附猶在塞外每請入塞與民交易若  
抑而不許乖其歸向之心聽而不虞或有萬一  
之警不容依先任其交易事宜限節交市之日  
州遣上佐監之自是已後歲常朝獻至於武定  
末不絕

契丹國在庫莫奚東異種同類俱竄於松漠之  
間登國中國軍大破之遂逃迸與庫莫奚分背

經數十年稍滋蔓有部落於和龍之北數百里  
多爲寇盜眞君以來來朝獻歲眞名馬顯祖時  
使莫弗紇何辰奉獻得班饗於諸國之末歸而  
相謂言國家之美心皆忻慕於是東北羣狄聞  
之莫不思服悉萬丹部何大何部伏弗郁部羽  
陵部日連部匹絜部黎部吐六千部等各以其  
名馬文皮入獻天府遂求爲常此是得交市於和  
龍密雲之間貢獻不絕太和三年高句麗竊與  
蠕蠕謀欲取地豆于以分之契丹懼其侵軼其  
莫弗賀勿于率其部落車三千乘衆萬餘口驅  
徒雜畜求入內附止於白狼水東自此歲常朝  
貢後告饑高祖矜之聽其入關市糴及世宗肅  
宗時恒遣使貢方物熙平中契丹使人祖眞等  
三十人還靈太后以其俗嫁娶之際以青氊爲  
主服人給青氊兩匹賞其誠款之心餘依舊式  
朝貢至齊受禪常不絕

烏洛侯國在地豆于之北去代都四千五百餘  
里其土下濕多霧氣而寒民冬則穿地爲室夏

魏書傳卷之六十一  
則隨原阜畜牧多豕有穀麥無大君長部落莫  
弗皆世爲之其俗繩髮衣服以珠爲飾民尚勇  
不爲姦竊故慢藏野積而無寇盜好獵射樂有  
塗篋木槽革面而施九弦其國西北有完水東  
北流合于難水其地小水皆注於難東入于海  
又西北二十日行有于巴尼大水所謂北海也  
世祖貞君四年來朝稱其國西北有國家先帝  
舊墟石室南北九十步東西四十步高七十尺  
室有神靈民多祈請世祖遣中書侍郎李敞去  
祭焉刊祝文於室之壁而還

史臣曰夷狄之於中國羈縻而已高麗歲修貢  
職東藩之冠榮哀之禮致自天朝亦爲優矣其  
他碌碌咸知款貢豈羊馬內向東風入律者也

列傳第八十八

魏書一百



